



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

Caput 4. De Sigillo Confessionis.

urn:nbn:de:hbz:466:1-40873

Pars 3. tract. 3. cap. 4 De Sigillo Confessionis. 277
Reginal. Io. Sancius apud Dianam p. 3. tr. 4. resol. 108.
qui innuit hanc resolutionem a Confessariis be-
nè notandam , quia multis molestiis eos liberat.

C A P U T I V .

De Sigillo Confessionis.

SIgillum Sacramentale est obligatio juris divi-
ni ad servandum secretum quovis casu in iis
omnibus, quæ in ordine ad absolutionem Sacra-
mentalem exponuntur.

Quæritur hic primò , quæ , & quanta sit obli-
gatio hujus secreti : Secundò , ad quos se exten-
dat. Tertiò , quando, & quomodo singulos ob-
stringat.

1. Dico primò , secretum hujus sigilli graviter
obligat ex jure naturali , divino , & humano :
habetque malitiam iniquitatis , & sacrilegij.

Probatur primum : quia jure naturali tene-
mur præstare fidelitatem, tueri famam proximi,
& alteri non facere , quod nobis fieri nolumus.
Probatur secundum : quia Confessio est juris
divini, ergò & secretum Confessionis sine quo
hæc redderetur odiosa & inutilis : qui enim
præcipit finem, censetur præcipere media sine
quibus finis obtineri, & conservari nequit. Ter-
tium patet ex cap. *Omnis utriusque* , ubi de hoc
secreto perpetuum in Ecclesia fuisse præceptum
declaratur, & ejus transgressorī pæna perpetuæ
inclusionis decernitur. Gravitas præcepti patet
ex eo , quod in ejus violatione dari parvitatem
materiæ cum plerisque neget *Malerus*, *Baldellus*,
Diana part. 5. tr. 5. resol. 8.

Dices , Peccatum veniale est materia levis :
ergò

278 Pars 3 tr. 3 cap. 4. De Sigillo Confessionis.
ergo ejus revelatio non potest esse grave peccatum, cum non possit ea paenitenti graviter nocere.

Resp. neg. consequentiam. Quia etsi non multum laedat paenitentem, nocet tamen graviter Sacramento, cuius usus redderetur odiosus, si universum liceret levia etiam delicta ex Confessione manifestare.

2. Dico secundò, Confessarius non obstante Confessione, potest eā notitiā uti, quam habet aliundē, dum inodò hanc altera non adjuvet, & scandalum absit. Exempli causā si Confessarius ob indicia extra Confessionem habita, poruerit Caium furti accusare, & Caius furtum postea illi confiteatur, potest nihilominus illum accusare. Ratio est, quia sic non utitur cognitiore Sacramentali, sed tantum indiciis antē, vel post Confessionem aliundē acceptis.

3. Hinc, etiamsi aliquis extra Confessionem dicat, hoc tibi committit sub sigillo Confessionis, & Confessarius acceptet, non oritur hinc obligatio sigilli Sacramentalis, sed tantum secreti naturalis, quod ad avertendum gravius malum aliquando revelari potest.

4. Dico tertio, sub sigillum non tantum cident peccata Confitentis, sed etiam complicis; item circumstantiae peccati, quas taceri paenitentis interest: E. C. si quis dicat, se illegitimè natum, sacros Ordines malè suscepisse &c. Ratio, quia etiam per hujusmodi notitiā paenitentibus odiosa redderetur Confessio.

5. Confessarius violat sigillum Confessionis, si generatim dicat, Titium sibi confessum esse peccatum mortale, casum reservatum, aut peccatum aliquod veniale in specie. Sin verò in genere dicat, Titium sibi confessum esse venialia, aut

bend

6. Violati sigilli reus est Parochus, qui sine
consensu pœnitentis, litteras ei dedit de ferendis
ad Vicarium Episcopi, vel alium privilegia-
tum, quibus significet se latorem harum à pec-
cato reservato absolvere non potuisse.

7. Si pœnitens ob indispositionem non abso-
lutus, cum alijs petat schedulam in testimonium
factæ Confessionis, tenetur Confessarius eam
illi tradere. Nam alijs concedendo, & huic ne-
gando indirectè revelaret eum fuisse indisposi-
tum ad absolutionem.

8. Si quis merè fictè ad Confessionem acce-
dat, quia v.g. alijs pœnam, aut infamiam incur-
ret, certumque illi sit ad Sacram Communio-
nem accedere, illi neganda est à Confessario
schedula, ne ejus simulationi ad Communionem
sacrilegam cooperetur.

9. Licitum non est cum ipso pœnitente extra
Confessionem loqui de peccatis solum in Con-
fessione auditis. Quia res illa pudorem inijicit,
& exprobationem continere solet: nisi tamen
ipse pœnitens licentiam tribuit, quam tribuere
censendus est, si ipse prior de peccatis illis ser-
monem inducat.

10. Si quæras, quomodo ergo Confessarius de
peccato interrogatus respondere debeat?

Respondeo. Confessarium interrogatum, an-
sciat vel audierit peccatum pœnitentis, non de-
bere tergiversari, sic ut pœnitentem reddat sus-
pectum: sed respondere debet, etiam cum ju-
ramento si opus sit, se nihil scire de peccato illo;
scilicet, ut hominem privatum, cui id revelare
liceat. Quia id circumstantiae Confessarij con-
significant, & verba eum interrogantis cum tali
cir-

circumstantia, & sensu accipi debent.

11. Si contingat Confessarium proprium peccatum confiteri non posse, nisi revelet alterius peccatum in Confessione auditum, suum retinere tenerur. Quia præceptum sigilli Sacramentalis strictius obligat, quām præceptum confitendi omnia mortalia; hoc enim solum est affirmativum.

12. Cessat obligatio sigilli Sacramentalis, si pænitens veniam dederit loquendi alteri de peccato extra Confessionem: per hoc enim Confessio non redditur odiosa. Debet tamen licentia illa esse expressè declarata, neque sufficit verba præsumpta; talis enim præsumptio pænitenenti periculosa, & odiosa esse posset.

13. Si gravis error in foro Pænitentiae admissus fuerit à Confessario, qui postea corrigendus est, debet Pænitens facere ei potestatem agendi secum de peccato, si eam facere detrectet, probabile est posse Confessarium eā non obtentā de peccato loqui, & sic errorem corrigere. Quia tunc propriè non loquitur extra Confessionem, sed perficit eam, quæ priùs inchoata & imperfecta erat, ut loquitur *Narez Laym.* atque, *contra Sanchez, Regin. Bonac.*

14. Præter Confessarium etiam aliæ personæ obligantur sigillo, ad quas vel immediate, vel mediately peccati cognitio ex Sacramento pervenit: ut Laicus, qui adstante confitentis peccatum audivit, vel Interpres, vel alij quibus Confessarius malitiosè peccatum revelavit.

15. Si Confessarius cum licentia pænitentis alteri peccatum revelarit, non videtur hic teneri sigillo Sacramentali: nisi tamen peccatum reveletur ob causam spectantem ad absolutionem Sacramentalem, ut docer *Vasq. Hurt. Laym.*

Pars 3. tr. 3. cap. 4. De Sigillo Confessionis. 281
de Conf. c. 14. n. 18. contra plures : quia hujus scientia non oritur ex Confessione , sed ex licentia ab ipso pænitente facta.

16. Pænitens non tenetur sigillo Sacramenti ; teneri tamen potest interdum lege secreti naturalis , ne quid ex Confessione manifestet , quo vel suæ , sine causa , vel Confessarij rectæ famæ detrahatur.

17. Si plures conspirarunt in necem Confessarij , & Titius unus ex conspiratoribus propositum hoc confiteatur, licitum est Confessario sibi consulere declinando infidias , licet sciat socios conspirationis inde suspicaturos , Titium peccatum suum confessum esse. Ratio est apud Laym. hic n. 21. quia fuga hæc per se nullum peccatum manifestat, sed solam peccati Cofessionem, peccatum enim socij illi antea cognitum habuerunt: ita contra aliquos Sylvester. Henricq. Laym. Conin. D. 9. dub. 4. quibus addit Moya infra citandas Sotum, Candidum , Thoman Sanchez , Fagandez , Th. Hurtado , Leandrum à SS. Sacramento tom. 1. tr. 5. disp. 10. q. 68. & 69. exprimentes etiam casum quo scivit Confessarius vino à se Consecrando aliquos miscuisse venenum posse à celebrando abstinere : strictior tamen pluribus est Moya qui addit , nisi aliunde ipsi pænitiendi periculum mortis immineret.

18. Confessarius nullo modo violat sigillum, si hominem ob publica , & manifesta latrocinia supplicio affectum commendet , quod de commissis peccatis ritè confessus fuerit. Quia , inquit Laym. peccatum non revelat , quod supponitur omnibus esse notissimum , sed solam confessionem peccati.

19. Confessarius nititiā , quam habet ex sola Confessione , uti non potest in externa gubernatione,

282 Pars 3 tr. 2 cap. 4. De Sigillo Confessionis.
natione , administratione Sacramentorum &c.
v. g. Parochus Sacramentum Eucharistiae , Ex-
tremæ Unctionis , Matrimonij assistentiam , iis
negare non potest, quorum impedimentum an-
teā ex sola Confessione intellexerat. Quia sigil-
lum hoc obligat, ne ipfi etiam Pænitenti pecca-
tum à Sacerdote extra Confessionem exprobre-
tur, aut in memoriam revocetur. *Coninc. Diana*
&c. An unquam in suffragio occulto & gratui-
to liceat eā notitiā uti, vide supra tract. 1. quæst.
16. Et partem negativam plures pro ea citatis,
recenter confirmat P. Mat. de Moya in select.
quæstionum parte altera d. 3. ad tract. 3. de penit.
quæst. 3 in appendice.

20. Si Confessarius non ex Confessione com-
plicis , sed extra Confessionem ex fideli relatio-
ne peccatum Pænitentis intellexerit , non tan-
tum illum speciatim examinare potest, sed etiam
debet ; si tamen peccatum neget , absolvere
eum tenetur. Cogitare enim debet , eum alteri
confessum esse ; vel ob periculum jam consiceri
non posse , vel alios mentitos fuisse : siquidem
in Pænitentia foro credendum est confitenti , sicuti contra
se, ita & pro se.

21. Quod si Confessarius extra Confessionem
certissimè cognoverit, Pænitentem alicujus cri-
minis reum, quod nondum expiavit, pura, quia
oculis suis vidi furantem, audivit blaspheman-
tem , adeoque ex omnibus circumstantijs colli-
gat, eum ritè dispositum non esse, absolutionem
illi negare debet , ob honorem Sacramenti.
Laym. aliquie.

22. Posset etiam Confessarius violare sigillum
Confessionis, exponendo pænitentiam alteri im-
positam, v. g. Coronam D. Virginis, vel aliam,
quæ solet pro peccato mortali imponi. *Diana p.*
5. Tr.

23. Notandum denique est, posse casum intervenire, in quo Confessarius possit, & debeat obligare pénitentem ad manifestandum complicem extra Confessionem, si ob grave damnum pénitens ad hoc aliundè obligetur. *Lugo D. 16. n. 420.*

Quares porrò, Quid agendum, si quis confiteatur peccatum occultæ conspirationis in grave damnum & injuriam alicujus personæ, aut reipublicæ, etiam hæreticæ? Respondeo, negandam illi esse absolutionem, nisi præstet promissionem firmissimam ab illa conspiratione penitū abstinendi, eamque pro viribus impediendi. Unde patet Confessionem Sacramentalem non tantum reipub. non esse noxiā, ut aliqui calumniantur, sed etiam maximè utilem ac salutarem. Plurima notatu dignissima de rigida obligatione Sigilli Sacramentalis nuper deduxit vir doctissimus D. Nicolaus du Bois in gemino tractatu de ea materia conscripto.

CAPUT V.

De Satisfactione.

Satisfactio Sacramentalis, est aliqua compensatio injuriæ Deo illatæ, à Confessario inuncta. Ut autem hujus satisfactionis essentia & necessitas intelligatur.

1. Dico primò, Satisfactio hæc est pars Pænitentiæ, quæ ad eam requiritur, non necessitate Sacramenti, sed tantùm præcepti. Probatur, quia Trident. *sess. 14. cap. . docet, Contritio-*
nem,